



## **Universitätsbibliothek Paderborn**

**Centvriæ Selectorvm Casvvm Conscientiae. I. II. III.tia**

**Burghaber, Adam**

**Fribvrgi Brisgoiæ, 1665**

89. Tobias, pecuniam, quam in extrema necessitate dederat Gabelo, ab eodem postea ad meliorem fortunam eucto repetere potest, si Gabelus tunc saltem spem obuenturi alieuius boni habuit.

**urn:nbn:de:hbz:466:1-40942**

LXXXIX. Tobias Gabelo in extremâ necessitate constituto decem aureos dat mutuos ad paupertatem subleuandam, quos postea ab eodem ad meliorem fortunam evecto repetit. Quæritur. Vtrum Gabelus hos Tobiæ restituere teneatur?

Affirmant Navarr. cap. 17. num. 61. Covarr. Toletus, alij. Negant Valent. 2. 2. Disp. Quæst. 9. pun. 4. Suar. Bonac. alij. Piores putant potuisse mero mutuo succurrere: Secus sentiunt posteriores.

Resp. Vel Gabelus omnino pauper fuit, ut nō solùm hīc & nūc nihil haberet, sed nec paup̄lō post habiturus videretur: Vel nihil quidē habuit, probabiliter tamen paulō post aliquid se habitum sperauit? Si prius, Tobias gratuitā donatione succurrere debuit, nec iure repetere amplius quidquam potest, quia alias non sustulisset necessitatem Gabeli, sed tantum in aliam mutasset; & certè si in hoc casu non obligat præceptum eleemosynæ, quando obligabit? Si posterius, Tobias mutuō succurrere potuit, idq; repetere iam valet, quia tunc Gabelus non absolutè fuit pauper hoc ipso, quod hæreditate, industriâ, vel aliâ ratione probabiliter polliceri sibi aliqua potuerit. Ita Coninc. de act. supernat. D. 27. n. 149. & 153. pulchrè oppositas sententias concilians.

Vnde etiam patet ad ipsorum fundatum. Sed quid si Tobias Gabelo in extremâ necel-

necessitate posito dedisset decem aureos cum obligatione conditionata refundendi, si forte ad pinguorem fortunam veniret, teneretur ne Gabelus tunc refundere? Respondent probabiliter affirmatiuè Vasq. in opusc. de eleemos. cap. 1. d. 6. n. 54. & Less L. 2. de Iust. c. 16. dubit. i. n. 11. rati, absolutam solum obligationem præcepto eleemosynæ obstat. Verum et si hoc minus durū sit, nec possit ita improbari in eo, qui cū aliquā notabili difficultate donet eleemosynam ex rebus, quibus ipse etiam indigeret; in alijs tamen videtur non satis humanum, & signum nimij affectus erga pecuniam, atque etiam repugnare sententijs Patrum, qui volunt eleemosynam dari absolutè & gratis, ut videre est apud AA. passim. Quare talis conditionata eleemosyna culpam venialem non facilè evitabit, nisi fiat in bonum aliorum pauperum, ut in Alumnatis, &c.

XG. Torpes frequenter non orat ad pulsū Angelicæ salutationis, Agonia, & mortis Christi. Queritur. Vtrum peccet?

Videtur peccare. Ita aliqui apud Dianam P. 6. Tr. 6. Tr. 5. Resol. 11. quia consuetudo orationis ad pulsū illum faciendæ comuni Christiani populi consensu fuit introducta, & longissimo tempore præscripta. Vnde transgredentes puniri à Magistratu solent.

Resp. Torpetem, per se loquendo non  
K peccare,